

Námsefnið

Í kennslustundum notum við meðal annars námsefnið AHA! sem er byggt á hugmyndafræði og rannsóknum jákvæðrar sálfræði og er rauði þráðurinn í efninu hafður eftir orðum Jesú Krists: „Elska skaltu náungann eins og sjálfan þig“. Einnig horfum við á fræðandi þætti sem kenna grunnatriði kristinnar trúar á auðskilinn hátt sem höfðar til unglinga. Við fjöllum einnig um sorg, gleði, sjálfsmynd, þakklæti, fyrirgefningu, sköpun og umhverfisvernd. Fimm af messum vetrarins verða sérstaklega ætlaðar fermingarbörnum og fjölskyldum þeirra.

Fræðsludagar

Fermingarstarfið hefst með skemmtilegum fræðsludögum vikuna áður en skólar hefjast, eða 17.-20. ágúst. Kennsla hefst svo í byrjun september og verður einu sinni í viku. Auk fræðslustunda verður námið brotið upp með leikjum og söng og við fáum góða gesti í heimsókn. Sunnudaginn 22. ágúst kl. 20 bjóðum við fermingarbörn og fjölskyldur þeirra sérstaklega velkomin í skemmtilega messu sem markar upphaf vetrarstarfsins.

Skráning

hefst 20. maí kl. 19:00 www.lindakirkja.is - fermingar - skráning

Fermingarfræðslugjald er 26.777 krónur

Innfalið er fræðsla, kyrtilleiga og ljósmyndun á fermingardaginn o.fl.

Hafið samband við Lindakirkju ef einhverjir greiðsluferfiðleikar eru fyrir hendi.



Lindakirkja

Lindakirkja | Uppsölum 3 | 201 Kópavogur

Sími 544 4477

lindakirkja@lindakirkja.is

www.lindakirkja.is

VETURINN 2021-2022

Fermingar fræðsla



Lindakirkja

www.lindakirkja.is



Sr. Guðni Már



Sr. Dís



Sr. Guðmundur Karl

Komið þið sæl!

Með þessum bæklingi viljum við boða til rafræns fundar foreldra og forráðamanna fermingarargangs 2022 20. maí 2021 kl. 18:00, slóð á fundinn verður að finna á www.lindakirkja.is Í kjölfar fundarins hefst svo skráning fermingarbarna á www.lindakirkja.is - fermingar – skráning, eða kl. 19:00 sama dag.

Bestu kveðjur,
Prestarnir



Hvað erum við að gera?

Upplýst trú, gagnvirk fræðsla

Markmið okkar með fermingarfræðslunni í Lindakirkju er að veita góða kennslu um kristna trú, svo fermingarbörnin taki upplýsta og heiðarlega ákvörðun um að gera Jesú Krist að leiðtoga og fyrirmynd lífsins. Við tökum spurningum fagnandi, viljum að börnin velti hlutum upp á sínum forsendum og leitumst við að gera tilvistarspurningarnar áhugaverðar og skemmtilegar. Virðing er borin fyrir öllum skoðunum og ólíkum sjónarhornum. Talsvert verður notast við tölvutæknina í fræðslunni auk skemmtilegra verkefna af ýmsum toga.

Kennslustundir / helgistundir

Við leitumst við að virkja fermingarbörnin á ýmsum sviðum í fræðslunni, til dæmis í söng og óskum eftir að heyra um ef einhver þeirra spila á hljóðfæri. Í fræðslunni kallast á hefðbundnar kennslustundir og helgistundir, þar sem áhersla er lögð á að kenna biblíusögur, biðja og syngja. Einnig verða unnin skemmtileg hópaverkefni.

Fjölbreytt kirkjustarf

Fermingarbörn í Lindakirkju og fjölskyldur þeirra eru ávallt velkomin í guðsþjónustu. Messað er á sunnudagskvöldum kl. 20:00. Æskulýðsfélagið Kaktus er einnig í boði en þar er margt brallað. Auk þess er Unglingagospelkór Lindakirkju mjög öflugur og hvetjum við fermingarbörnin sérstaklega til að taka þátt í honum.

Hjálparstarf

Í fermingarfræðslu Lindakirkju tökum við þátt í söfnunarverkefni á vegum Hjálparstarfs kirkjunnar.

Ferðalag í Vatnaskóg

Einn af hápunktum vetrarins er fermingarnámskeið í Vatnaskógi þar sem gíst verður í tvær nætur. Mörgum fermingarbörnum hefur þótt veran þar meiriháttar upplifun, enda hefur staðurinn upp á svo ótalmargt að bjóða. Námskeiðin í Vatnaskógi verða 6. - 8. okt. fyrir Linda- og Salaskóla og 12. - 14. okt. fyrir Hörðuvalla- og Vatnsendaskóla. Þar sem gíst verður í tvær nætur er gjaldið ögn hærra en hjá öðrum söfnuðum. Fullt verð á námskeiðinu er 20.800 kr. en fyrir börn í þjóðkirkju verður ferðin greidd niður og er gjaldið 12.800.

Hafið samband við Lindakirkju ef einhverjir greiðsluerfiðleikar eru fyrir hendi.



Skráning hefst

Opnað verður fyrir skráningu í fermingarfræðslu næsta vetrar á www.lindakirkja.is fermingar – skráning fimmtudaginn 20. maí kl. 19:00.

Fermingardagar vorið 2022 eru

laugardaginn 26. mars kl. 10:30 og 13:30,

sunnudaginn 27. mars kl. 13:30,

laugardaginn 2. apríl kl. 10:30 og 13:30,

sunnudaginn 3. apríl kl. 13:30,

laugardaginn 9. apríl kl. 10:30 og 13:30

og að lokum á **pálmasunnudag**

10. apríl kl. 13:30

